

qaRebuan ay suani

qaRebuan ya suani ku, Rabin yau ulima ti tasaw na, ta leppawan
wanma aizipna kaput ku mawRat, qalizaqan waway na mai ma qumnut, nizu
midayan quni zin na anem na, azu maken melisaw nisikawma su suppaR
pibud, sikawma timaikuan ta aneman na azu ussa qaqa aiku. ta leppawan
qawman suani ku qalizaqan niaq saleppawan.

nayau pitemawaR yau ta qatian kelawkaway tama tina, mai ma hibang,
yauzuma tuRantuRabi qawka temanana, aiku seRay suani ku pataz imi
kinnausa pasaya tu saqanan saRabi, kiya ma niqan na, wanayka, antangi
ngid ti qan tu qaqaan aizipna, masulun iku timaizipana kemilim meRasa tu
qaqaan, meRasa nani niana qangidan na anem na deddan 'nay, 'nay ti
Rasan na, mai mepili tu qaqaan, yauzuma wanma kukuy Rasa na, yazuma
meRasa tu niRamazan tu siti na tamun ay 'si na taquq, Raqana meRasa tu
qaqaan Rayngu iku ngid patadu meRasa, taytan ku mai missi qeman
meRebu iku.

qawRatan na ussa wanma meRasa tu muwaza satetepikan tepuluk,
tepi tu senalazat senaquodus senabawa' senahikuki, yauqaya qaRebuan ku
ay qenaliman na, temayta tu sudad na mezamet suppaR ti aizipna, mezamet

tu kitut ay putit, pulaw, sapaqawitan, yauzuma saqabian uu saqemadanan
mezamet, nizamet na azasan na sa kalingku puniR nipaqaqawit na ta linengan
na leppawan na bai ku, qaRebuan ya qenaliman na suani ku, meRebu tina ku
tu qenaliman na suani ku qaya, ngid sinanam tina ku mai meRasi, wanayka
melaydaw tina ku tu qasukaw ti mata na, semanu tu suani ku naRin
metennes semangi tu nazau ay. ussa nazaw ma, melusit ussa ti melilimek
suppaR sikawma aizipna, ta taqsian sazemaken aizipna tu nengi uRu na,
nitaytan na ti mai ti makalingun, semanu tu patudan suppaR aizipna
paqenanem temanana sa leppaw, timangu mengangaw ti, meRetut maytis ti
ya pinileppaw, yauqaya, nizi ta taqsian temanana temaqsi paazasan tu kaput
temanana aizipna, timangu mengangaw aizipna nizan na ti mazas ya kaput na
matiw sa tanem, ta qatian qaqaqtisan pataz mengangaw. sumking temaqsi
mai tu qasanuan qaRebuan, temanana sa leppaw mai azu aiku malemes
temayta tu sudad, wanayka nengi niseking na, melizaq iku sisuani
timaizipana.

值得佩服的妹妹

妹妹今年十五歲，我在家唯一的玩伴，她個性活潑又不拘小節，有時對我沒大沒小。爸媽在外工作，每很晚回來，我們常自己處理晚餐，她正餐吃得少，一下子就要吃零食，她怎麼都吃不胖，我有些羨慕。

她的手藝很棒，她會看書編中國結或小掛飾，一編就是一整天，媽媽擔心她的視力，規定妹妹不能花太長時間做手工。她在學校擔任路隊長，把整個路隊帶到墓園去，她對路是個小迷糊。她的成長經歷很豐富，我也很高興有這個妹妹。